



Mieriedimmie ektie öörnegenjoelkedassen bijre learoehkidie fylhkentjielten jårhkeskuvline Trööndelagesne

Reaktavårome:

Ööhpehtimmielaake §§ 9 A-10 jñh 9 A-11

[Ööhpehtimmiedirektoraaten bièvesetjaalege Öörnegenjoelkedassh Udir-8-2014.](#)

Trööndelagen fylhkendigkie dam nænnoesti 16/6-2021. Faamoem åtna mietsken 1.b. 2021 raejeste.

§ 1 ULMIE

Öörnegenjoelkedassen ulmie lea hijven jñh jearsoe lieremebyjresem vedtedh. Öörnegenjoelkedasse edtja hijven laavenjostoem, hijven tråjjem, ååktmem jñh meatandiedtem vedtedh. Njoelkedasse edtja hijven öörnegem jñh hijven barkoevoeth eevtjedh jñh naemhtie hijven lieremasse sjiehteladtedh. Njoelkedasse edtja njoelkedassh vedtedh

- Ulmiej bijre skuvlebyjresasse
- Dåemiedimmienjoelkedassi bijre
- Konsekvensi bijre gosse njoelkedasside miēdtele

§ 2 FAAMOSUERKIE

Öörnegenjoelkedasse lea faamosne gaajhkide learoehkidie skuvlesne skuvletijjen. Njoelkedassh Leah aaj faamosne lierehtimmiehammojne jñh darjoeminie mej åvteste skuvle dīedtem jñh stuvremem åtna skuvledajven ålkolen, goh studijetuvrine, ekskursjovnine jñh haarjanimmesne sieltesne. Lissine njoelkedassh aaj faamosne skuvlegeajnosne.

Narrahtimmieh mah skuvletijjen ålkolen jñh skuvlen dajven ålkolen sjugniehtuvvieh, men sijjen aalkovem utnieh skuvletsiehkesne jallh skuvletijjem baajnehtieh, aaj öörnegenjoelkedassi faamoen nuelesne. Öörnegenjoelkedassh Leah faamosne learoehkidie gaajhkine fylhkentjielten jårhkeskuvline Trööndelagesne.

§ 8 eventuelle voenges lissienjoelkedassh åtna fiereguhten skuvlese.

§ 8 skuvlen jñjtse njoelkedassh maehtieh viēdteldihkie årrodh öörnegenjoelkedasside jñjtsh lokaalide jñh sjieretjiehtjielidie, internaatide jñh gåetieluhpiegāetide, jñh giētedāmman vaekneste jñh jeatjah dalhketjijstie mah maehtieh skaaram darjodh jis dah bāajhtoehlaakan åtnasuvvieh.



§ 3 SKUVLE- JIH LIEREMEBYJRESE

Hijven skuvle- jih lieremebyjrese lea vihkele hijven lierehtimmien gaavhtan. Skuvle edtja eadtjohkelaakan jih systeemen mietie barkedh juktie hijven psykososijaale byjresem eevtjedh, gusnie fiereguhte learohke edtja åadtjodh raeffesne barkedh, jih jearsoesvoetem jih sosijaale ektiedimmiem dååjredh. Vihkele krööhkestidh, ååktedh jih meatandiedtem vuesiehtidh, jih dæmiedimmiem uvtedh jallh hööptedh mij byjresem nåakelaakan baajnehte.

Dovne learohkh jih barkijh skuvlesne diedtem utnieh viehkiehtidh guktie skuvle- jih lieremebyjrese hijven sjædta.

Learohkh edtjeh seahkarimmiem jih hoksem dååjredh – dovne skuvlen barkijjistie jih meatanlearoehkijstie. Narrahtimmieh, irhkeme, triegkenasse jih sierredimmie eah edtjh saah guktie jallh gåessie luhpie årrodh. Learohkh tjuerieh laakh, njoelkedassh jih bñhkedassh jeakadidh mah iktegesth leah faamosne.

Learohkh mah sijjen barkoen, laavenjassen jallh tjirkijebarkoen tjirr, åehpies sjidtieh bievneseigujmie mah leah sjævehtsvoetediedten nuelesne, sjævehtsvoetediedtem utnieh Reeremelaaken § 13 – 13f mietie jih Persovnebievneseelaaken mietie. Sjævehtsvoetediedte lea aaj faamosne mænngan learohke lea jaarhkelierehtimmiem illeme.

Edtja ræhpasvoete, hijven dialogue jih gaskesadteme årrodh learohki, skuvlen jih eejhtegi/eejhtegi åvteste gaskem. Edtja iktesth geerve tsiehkies bæjjese vaeltedh jih digkiedidh.

§ 4 ÖÖRNEGE

Learohkh edtjeh hijven öörnegem utnedh. Daate sæjhta jiehtedh

- reaktoe tñjjese skuvlese båtedh jih stieresne årrodh abpe ööhpehtimmietñjjem. Jis learohkh bieleden naan luhpie fåantoe, vielie goh 15 minudth gaatoem åtna aktesne tæjmosne, edtja aktem tæjmoem¹ gaatojne tjaeledh
- åejvielohkehtæjjese/faagelohkehtæjjese bieljelidh jallh ohtsemem deelledh jis heerreduevies lierehtæmman båtedh
- bievnedh/ luhpies dokumentasjovnem deelledh gosse skiemtjegaatoem åtna
- stieresne årrodh skuvlesne jis ij leah daerpies gaatoem utnedh skiemtjelassen jallh sjjere tsiehkies gaavhtan. Eejhtallemetuvrh eah daerpies gaatojne ryöknesovvh .

¹ Maahta individuelle krööhkemh årrodh mah jiehties fåantoe man åvteste ij leah stieresne bielie aktede tæjmoste, byöroe luhpies vuajnalgidh jalhts learohke ij maehhties dam dokumenteeredh. Dan åvteste skuvle / lohkehtæjja mij muana mejtie edtja dokumentasjovnem krievdth gosse learohke lea bårhte bielie tæjmoste, goh luhpies jih dan åvteste ij gaatojne tjaalasoovvh.



- daerpies learoeverhtieh jñ dalhketjh meatan utnedh
- viehkiehtidh raajnes jñ sjeakoldh hööltedh skuvlen dajvesne
- barkoem deelledh maam tjuara darjodh, reaktoe tijeje
- fylhkentjielten siejhme IT-njoelkedassh fulkedh

§ 5 DÅEMIEDIMMIE

Learohkh edtjeh hijvenlaakan dåemiedidh. Daate sæjhta jiehtedh

- eerlege, dåajmijes jñ vietseles årrodh
- meatanlearohkh, lohkehtæjjah jñ jeatjah barkijh ååktedh
- eadtjohkelaakan meatan årrodh lierehtimmesne
- skuvlen jñ mubpiej eekh ååktedh
- laakh, njoelkedassh jñ bihkedassh fulkedh mah fierhten aejkien leah faamosne

Learohkh *eah* edtjh:

- irhkedh jallh jeatjahlaakan mubpieh narrahtidh
- rievhkestidh, snuhkedh jallh tjierves årrodh ruvsehtijste skuvlen dajvesne, jallh jeatjah ööhpehtimmiesijjine skuvletijjen. Elektrovneles sigaredth eah leah luhpie. Nærhtome åtnoen vööste dågkeste jñ/jallh e-sigaredtijste lea faamosne skuvletijjen, saht mennie sijjesne lea.
- vaeknieh jallh daeverh meatan utnedh mejgumie maahta skaaroehtidh, beltedh jallh aejhtedh mubpide. Sjiere njoelkedassh leah faamosne skuvline mah vaeknieh jñ jeatjah dalhketjh ööhpehtimmesne nuhtjeh mah maehtieh skaaroehtidh – v. § 8
- nollehtalledh jallh pryövedh nollehtalledh pryövije jallh barkojne mejtie edtja sijje deelledh
- skuvlen nedtevierhtieh nuhtjedh pornograafeles, rasisteles jallh jeatjah materijellem veedtjedh, lohkedh jallh geerjehtidh mah meatanlearohkh jallh skuvlen barkijh narrahtieh
- mobijletellefovnh, PC:h jñ jeatjah elektrovneles dalhketjh nuhtjedh naemhtie guktie dihte lierehtimmiem sturrie jallh mubpiealmetjh narrahtieh
- filmem jallh guvvieh barkijjstie jallh meatanlearoehkijstie juekedh bieleden voestegh jáåhkesjimmiem åådtjeme destie jallh dejstie mah leah filmesne jallh guvvesne
- vaarjoeh nuhtjedh mah ellieslaakan jallh ånnetji ååredæjjam geptjeh, jis daate ij leah eevre daerpies pedagogeles, healsoen, klijman jallh jearsoesvoeten gaavhtan. Daate nærhtome lea faamosne ööhpehtimmesne, vuarjasjimmietsiehkine jñ tuvrine jñ öörnemisnie mej åvteste skuvle diedtem åtna. Vuartesjh ööhpehtimmielaaken § 9-7

Åejvienjoelkedassine skuvle sæjhta meadtoeh pollisese bieljelidh.



§ 6 KONSEKVENSH JIS ÖÖRNEGENJOELKEDASSIDE MIËDTELE

Öörnegenjoelkedassh våaromem vedtieh öörnegem jih dåemiedimmiem vuarjasjidh. Gosse learohken öörnegem jih dåemiedimmiem vuarjesje, dellie edtja ällesth vuarjasjimmiem darjodh guktie learohke lea öörnegenjoelkedasside jeakadamme aktem guhkebe tÿjjeboelhkem.

Reaksjovne akten njoelkedassemeadtose tjuara meadtoen itjmiesvoeten mietie årrodh. Meadtoe öörnegenjoelkedasside maahta daejnie konsekvenside vedtedh:

1) Daeverh sijse vaeltedh mah ööhpehtimmiem sturrieh jallh mah aajhtije jallh eerjije vååjnoeh skuvlebyjresisnie

- Daevere sijse vaaltasåvva sæjhta jiehtedh skuvle dam sjyöhtehke daeverem eensilaakan tjååvhke akten skuvlebiejjien raajan.

2) Saadtesimmie

- Faagelohkehtæjja maahta learohkem aktede ööhpehtimmieboelhkeste saadtesidh 2 tsåahkatæjmoej raajan
- Rektovre maahta learohkem skuvleste saadtesidh vijhte biejjiej raajan
 - Jis saadtesimmie lea guhkebe goh göökte tsåahkatæjmoeh edtja aktegsnænnoestimmiem darjodh, daerpies laejhtemereaktine learoehkasse. Åvtelen aktegsnænnoestimmie dorjesåvva learohke edtja, jih learohken eejhtegh/æliealmetjh gosse learohke ij leah myndig, biëljelimmiem åadtjodh jih nuepiem åadtjodh lahtestimmiem vedtedh sjiehteles mierien åvtelen. Skuvle edtja aaj voestegh vuarjasjidh mejtie gåarede jeatjah jih maerelesåbpoe reaksjovnh nuhtjedh. Aamhtesegietedimmien njoelkedassh, aktegsnænnoestimmieh, reakta biëljelidh, reakta jÿjtjemse tÿjelkestidh jih reakta laejhtedh lea reeremelaaken, ööhpehtimmielaaken jih vuarjasjimmiemieriedimmien mietie.
- Fylhkentjielte maahta nænnoestidh aktem learohkem saadtesidh dan boelhkese mij lea aajmene skuvlejaepeste

3) Gåetide seedtedh/ saadtesimmie skuvletuvreste

- Rektovre maahta aktegsnænnoestimmiem saadtesimmien bijre darjodh

4) Skuvlemålsome

- Jis akten learohken dåemiedimmie itjmieslaakan akten learohken jallh jienebi meatanlearohki jearsoesvoetem jallh lieremem baajnehte, fylhkentjielte maahta nænnoestidh learohkem akten jeatjah skuvlese sertedh, goh dennie skuvlesne vaedtsedh misse learohke sijse båateme. Vuartesjh ööhpehtimmielaaken § 9 A-12. Ij edtjh learohken jeatjah skuvlese sertedh jis unnebe itjmies råajvarimmieh maehtieh tsiehkien viehkiehtidh.



5) Maaksoediedte

- Learohkh jallh eejhtegh/dah mah eejhtegi åvteste tjuerieh veanhtadidh maaksoediedtem åadtjodh dastegh learohkh maam akt væljojne eerjies jallh plearoeh, v. skaaramaaksoediedtelaakine. Maahta skuvline seamadidh learohke nuepiem åådtje skaaride jijtje dåvvodh.

6) Uhtjiedamme karaktere öörnegisnie jih dåemiedimmesne

- Siejhmemes ij edtjh lohkehtæjja, gosse karakterem öörnegisnie jallh dåemiedimmesne beaja, stoerre leavloem biejedh aktegsheannadimmide. Men daate ij leah faamosne gosse sjiere jallh kruepies heannadimmieh mejtie maahta laejhtedh, v.g. kruepies vædtsoesvoete. Daagkeri veajkoej uhtjiedamme karaktere öörnegisnie jallh dåemiedimmesne aaj maehtieh sanksjovnine åtnasovvedh

§ 7 PROSEDYJRE JIS JUERIEDISNIE MEJTIE LEAROHKE LEA SKUVLEM ORRIJAMME

Skuvle edtja darjodh maam maahta juktie sjiehteladtedh ihke learohke edtja lierehtimmiem illedh.

Jis skuvlen råajvarimmiej gaavhtan læjhkan lea jueriedisnie mejtie akte learohke lea skuvlem orrijamme, vuesiehtimmiem gaavhtan gaatoen gaavhtan, skuvle edtja bielesen naan jeatjah fåantoe, tjaaleldh åvtelhbodti bieljelimmiem aamhtesen bijre seedtedh, aktine galhkuvebieljelimmiegoerine. Jis learohke ij leah prieviem vaestiedamme eannan 3 våhkoeh, skuvle edtja aerviedidh learohke lea orrijamme. Jis learohke ij leah 18 jaepieh illeme, skuvle edtja eejhtegidie/åeliealmetjidie bievnedh jis maana skuvlem orreje.

Jis learohke orreje, skuvle tjuara hoksedh learohke dallatjinie bæjjese fulkesåvva fulkesimmiedienesjistie.

Doh råajvarimmieh mah skuvlen bieleste dorjesovveme juktie sjiehteladtedh learohke edtja lierehtimmiem illedh, edtjies dokumentasjovnine biejesovvedh learohken mabpan sijse våarhkoesystemesne.

Jis rektovre mænngan varjesje ij lij learohken fiejlie dihte idtji skuvlen prieviem vaestedh, rektovre edtja moenedh learohke skuvlesijjiem båastede åådtje.

§ 8 JÏJTSE NJOELKEDASSH NN JÅARHKESKUVLESE

Mierien sisnjelen dejstie ektie njoelkedassijste skuvlh maehtieh jijtsh voenges njoelkedassh vihtiestidh. Dah eah maehtieh dej ektie njoelkedassi vööste strijredh.